

仲陽云熱毒之氣客於腠理搏於血氣發於外皮上
赤如丹熱毒與血相擊而風氣乘之所以赤腫游走
而遍體也此由乳母食酒麪煎炙過度與夫烘衣與
兒不候冷而即穿著多成此證或發於頭面背脊令
兒燥悶腹脹如火其熱痛不可言有入腹入腎之證
便不可救又方小兒一週之內皮毛肌肉筋骨髓腦
五臟六腑榮衛血氣皆未堅固譬如草木萌芽之狀
未經寒暑嬌嫩軟弱今嬰孩稱為芽兒故也一周之
內切不可頻頻洗浴恐濕熱之氣鬱蒸不散遍身生
赤遊丹毒俗謂之溜片片如胭脂塗染皆腫而壯熱



若毒入腹者則腹脹硬氣以致殺兒此因洗浴而得也若肌肉寬緩腠理開泄包裹失宜復為風邪所乘而身生白溜皆腫而壯熱也或增寒壯熱鼻塞腦悶或上氣痰喘咳嗽吐逆種種之疾皆因洗浴脫著而得也治赤溜丹毒可用一小刀子疏去溜頭赤暈惡血毒汁次以冰黃散葛根白朮散惺芎散主之敗毒散及升麻湯防已散皆可選而用之又丹熱實熱龍帶熱並用大連翹湯加大黃及燈心煎服殊驗

冰黃散

土消

大黃細木各二錢

右二味相合新汲水調攪勻用鷄羽蘸藥塗毒上

葛根白朮散

治一切赤白丹腫毒

白朮

茯苓

去皮各二錢

木香

甘草

各一錢

芍藥

葛根

各三錢

枳殼

去穰麩炒二錢半

右剉散每服三錢水一盞煎七分去滓熱服

惺芎散

治赤遊腫不可服冷藥者

茯苓 去皮

白朮

人參

甘草

枳殼

細辛 去苗

川芎 各等分

右剉散每服三錢水一盞煎七分去滓熱服

敗毒散 方見五十問

防風散

治丹毒候乃熱毒之氣與血相搏而風氣乘之故赤腫及遊走遍體者又名赤遊風入腹入腎則殺人

漢防已 半兩 朴消

犀角

黃芩

黃芪

川升麻 各二錢半

右剉散加竹葉前大小以意加減一方去朴消有澤瀉

白玉散

治赤遊丹毒 常用妙方

滑石

寒水石 各一兩

右為末米醋調傅患處或腫至外腎有破處只用水調

大連翹湯 方見第三問

消毒飲

治丹毒及瘡痘已出毒氣壅遏壯熱狂躁睡卧不安大便秘澁及咽喉腫痛胃膈不利疹痘消破却可服九十九問重

牛旁子炒二兩

荆芥穗

甘草

炙各半兩

右剉散白水煎自利及瘡痘未破不可輕服或加防風連翹升麻蟬退赤芍藥有執加黃芩防風犀角消毒飲

第九十七問瘡癬

湯氏云小兒傷濕血氣壅滯則生瘡多由父母并姪子不好潔淨衣褥不與頻換洗濯或屎穢污連日

不洗亦能浸漬而成瘡天氣溫和頻與澡洗更衣名曰外宣亦不須服藥小兒不得已而服藥此乃下策將養合宜何病可侵更令乳哺有節勿令過飽其身乃如蒔樹此調養之理也洛方春用柳條荆芥夏用棗葉槐枝秋冬用苦參頻浴身安外宣無病金華散又傳瘡癬等方皆可用也摩風膏傳瘡癬極佳兼服羌活散加防風荆芥及大連翹飲升麻湯等劑

金華散

治乾濕瘡癬

黃丹一兩

輕粉

錢

黃蘗

黃連

各生兩

麝香

少許

右為末先洗次乾摻之如乾癬瘡用臘月猪脂和傳如無用麻油亦可加黃芩大黃

摩風膏

治小兒遍身疥癬瘙痒

苦參

瀝青

蕪荑炒

黃蠟

巴豆

各一錢
三粒
去殼

輕粉

五分

真麻油

半兩

全蝎

一枚

右用麻油煎至巴豆焦瀝去所煎物入輕粉和

勻傳瘡疥効

一方

治惡癬以紫貝草根生白礬少許同搗爛冷患

處兩次可斷根

又方

用砒少許滴醋同熬為膏塗之

又方

以斑猫去頭足糯米炒黃去米以淮棗者熟去

皮取肉為圓唾津調擦之尤妙

羌活散

方見二十問

大連翹飲

方見第三問

升麻湯

方見五十二問

第九十八問癩瘡

巢氏云夫小兒癩瘡者為風熱毒氣所乘搏於皮膚乃生癩漿潰而成瘡故名曰癩瘡也湯氏牛黃散淋洗方治之又有癩疽之發有數種先作點而後露骨小者如粟如豆劇者如梅如李赤黑青白色變不常或生口齒或肚臍或臂或髻發無定處大槩多見於手指之間根深入肌走臂遊腫毒血流注貫串筋脉爛肉見骨出血極多令人狂言煩躁咬悶皆毒氣攻心之候也南星半夏白芷末傳之用藥先洗了傳之

尤佳其諸療理推廣癰疽法度行之阜角血餘等藥尤佳

牛黃散

三黃真珠散

治疔積壯熱生欵淫瘡俗呼為溜膿水流處便濕爛成瘡此證當內服消食退疔積之藥後用此

松香

五倍子

黃連

黃丹

海鱉鱗各三錢

輕粉

雄黃

各少許

右七味並為細末瘡乾則以香油調傅濕則乾
搽先以瑩肌散前洗然後用此藥

瑩肌散洗瘡

赤芍藥

防風

苦參

薄荷

甘草身

劉寄奴

黃檗

右等分煎湯洗去患處宿膿後以前

木

搽瘡上三二度即成痂而愈或只服

第九十九問麻證水痘

湯氏云凡小兒斑瘡之候乃天行時氣熱不能解蘊

積於胃而胃主肌肉毒氣薰發於肌肉狀如蚊子所

啣乃成斑毒也赤者十生一死黑者十死一生此證

與斑證不同發斑乃如錦紋有空缺處如雲頭之狀

麻證乃遍身無空缺處但疎密之不同分輕重耳黃

連杏仁湯治嬰孩受邪熱候作成麻豆之證其瘡漸

出咳嗽煩悶嘔逆清水眼赤咽喉口舌生瘡宜服此

以解之又有黃芩知母湯治小兒麻證催出得瘡斑

爛癢疹如錦紋或白膿水者腥臭不能乾心胃咳悶

嘔吐清水身體溫熱不時宜造此以治之起初疑似

之間可服升麻湯頭痛熱甚者可服柴胡升麻湯化

斑湯羗活散蟬退散皆可又有發熱一二日而出水
泡即消者名為水痘但用輕劑解之即便痊可羗活
散升麻消毒飲主之麥煎散亦可服又可服大連翹
湯以解利之活人書黃連橘皮湯治溫毒發斑可治
出麻作瀉服此下利當先止與前黃連杏仁湯同但
多製厚朴甘草耳

麻證始終宜服麻黃湯表 斑證可下不可表
痘證表下皆不可

黃連杏仁湯

治嬰孩受邪熱候作成麻疹之證其瘡漸出咳

嗽煩悶嘔逆清水眼赤喉咽口舌生瘡作瀉

黃連 一兩

陳皮 去皮

杏仁 去皮尖

麻黃 去節

枳殼 去穰

葛根 各半兩

右剉散每服二錢水煎服作瀉者加製厚朴甘
草

黃芩知母湯

治嬰孩五臟邪熱作成麻證瘡出斑爛癢疹如
錦紋或白膿水腥臭不乾心胃閉悶嘔吐清水
身體溫壯不時宜服之

葛根

陳皮

杏仁 去皮

麻黃

去節

知母

黃芩

甘草

各半兩

右剉散每服二錢水一盞煎半盞去滓服不嘔
逆去陳皮加芍藥如吐則用之

升麻湯

方見五十二問

柴胡升麻湯

同前問

化斑湯

方見九十五問

羌活散

方見二十問

蟬退飲

方見九十六問

消毒飲

麥煎散

方見五十四問

黃連橘皮湯

方見九十五問

第一百問瘡疹

仲陽云瘡疹候面燥腮赤目胞赤呵欠頓悶乍涼乍
熱咳嗽嚏噴手足稍冷夜臥驚悸多睡煩躁發熱臉
赤唇紅身痛頭疼痰涎傷寒證候類有之並瘡疹證
此天行之病也始發之時因傷風傷寒而得者有因
時氣轉染而得者有因傷食嘔吐而得者有因跌撲
驚怒蓄血而得者或為竄眼禁牙驚搐如風之證或
為口舌咽喉腹肚疼痛之狀瘡從口腹中出故痛或為煩躁發

熱臉赤狂悶昏睡譏語之形或自汗或下利或發熱或不發熱證候多端卒未易辨方論所載以耳冷骹冷足冷驗之蓋謂瘡疹屬陽腎臟無證耳與骹足俱屬於腎故腎之所部獨冷然疑似之間或中或否不若視其耳後有紅脉赤縷為真於此可以稽驗矣其脉洪大而弦數診脉之際身略戰動是其證也調護之法首尾俱不可汗下但温涼之劑兼而濟之解毒和中安表而口凡熱不可驟遏但輕解之若無熱則瘡又不能發也虛者益之實者損之冷者温之熱者平之是為權度借喻而言亦如庖人籠蒸之法但欲

為鬆耳如苟妄汚則榮衛既開轉增瘡爛如苟妄下則正氣内脫變而歸腎身體振寒耳骹反熱眼合肚脹其瘡里壞亦無一生占黑者尤難療何者瘡隨五臟見證未發則五臟之證悉具已發則歸於一臟受毒多者見之故肝臟水疱淡出如水肺臟膿疱其涕稠濁心臟發斑血疱色赤而小脾臟發疹色黃微赤惟歸腎則變黑焉青紫瘡疹屬陽本無腎證腎在臍之下不陽取火也腎取水也以火用事為水所制豈不殆哉朱氏云瘡疹已發未發但不可踈轉此為大戒瘡疹首尾皆不可下及輒用利藥毒氣入裏即殺人以此觀之瘡

疹證狀雖與傷寒相似而疹痘治法實與傷寒不同
傷寒所傳從表入裏疹痘所發從裏出表蓋毒根於
裏若下之內氣一虛毒不能出而反入焉由是土不
能勝水黑陷者有之毒發於表若汗之則榮衛一虛
重令開泄轉增瘡爛由是風邪乘虛變證者有之汗
下二說古人之所深戒也調解之法將如何曰活血
調氣安表和中輕清消毒溫涼之劑二者得兼而已
溫如黃耆當歸木香葷涼如前胡乾葛升麻葷佐之
以川芎芍藥枳殼桔梗羌活木通紫草甘草之屬則
可以調適矣凡小兒覺身熱證似傷寒但未經瘡痘

疑似未明且先與惺惺散參蘇飲抱龍圓升蘇散熱
甚則先與升麻湯或加川芎紫蘇茯苓嘔吐者香蘇
飲加半夏茯苓白芍藥泄瀉者香蘇飲加白朮茯苓
吐瀉胃虛冷者陳氏木香散渴者升麻湯加紫蘇茯
苓及搗及讖語執甚者至寶丹抱龍圓和服瘡疹未
出透者可服如出已透膚者不可服也或用防風天
麻圓亦可如一二日疹出紅點如麻子大小不一等
者輕一齊並出密甚者重並服四聖散及泄瀉者紫
草木香湯或四君子湯加木香丁香如冷戰出不透
者加官桂有驚熱出未透者快斑散治之內有蟬退

者也三四日瘡疹出不快者四聖散皮膚冷者加木香肉桂更瀉活血散溫酒紫草湯調下以助藥力則出快如欲止痛用溫熟水調下如紫色黑陷內熱者大便秘者用龍腹骨猪心血辰砂腦子研細木香湯調下可也或用猪尾膏亦可如內無大熱不可輕服也常用胡荽酒噴幃帳及身上為佳不可噴面上以辟惡氣耳又燒蒼朮降真香亦佳五六日痘瘡焮甚但服芍藥甘草湯定痛多服不妨却服甘露飲數服或口內有膿瘡咽喉腫痛不能乳食者並皆治之七八日瘡焮透略爛方可服地黃湯大便秘者可服消

毒飲凡痘根窠紅活光澤明淨者輕如頂陷稠密灰白色瀉渴者重無熱者可服四物湯用麥門冬防風蟬退等劑九日十日有熱甚可服犀角地黃湯消毒飲便利者不可服小便不通者大連翹湯加減服以小便利為度導赤散羌活散皆可服熱甚者小柴胡湯渴甚者白虎湯大便秘甚數日不通者宣風散一服便可間服前藥痘瘡長足肥滿蒼臘色者輕寒戰悶亂腹脹煩渴喘急咬牙者重十一日十二日痘瘡當靨瘡痂欲落而欲愈也若痘瘡欲靨之間或不能靨或腹脹煩渴或泄瀉氣促者不可與蜜水瓜果等

冷物食之即死當與木香散異功散加減用之凡小兒先發搐而後發瘡者生如瘡已瘥而後發搐或吐或瀉者死先發熱而後出瘡者存瘡已發而後泄不止者亡瘡瘥而忽瀉膿血痂皮者順腹中有瘡也瀉血而水穀不消者逆脾胃虛也或瀉血而瘡壞無膿者亦不可救胃爛也要知陽明主肌肉胃氣不可一日不强也凡出瘡疹先須護眼或用辰砂或用胭脂以塗眼眶內有紅花以活血尤妙如痘瘡入眼宜與決明散紫貝散瘡痂欲落不落則用酥油或白蜜時時潤之可揭則揭去若失潤揭遲痂才硬則成癥痕仍用滅癥藥

傳之切不可雞鴨卵與食食則即時盲目瞳子如卵白色其應如疔亦不可再食豬肉不可不戒也中間錢氏有百祥圓下之及有用入牙之藥切不可輕服甚以為戒也不若用獨聖散與牛李膏為愈或痘瘡已發為風冷所傷榮衛不和或為宿食所傷內氣壅遏以致水硬者調解散主之如瀉不止用參苓白朮散加木香可也四君子湯加木香豆寇亦妙雖然瘡黑本為惡證治之有方猶有幸而生者至於調衛之際乳母不能謹口流毒於小兒或粥食乳哺不時使之饑虛或衣被不周致傷風冷以至闈房有觸外

邪有犯則亦水硬變懷而歸腎自我致寇又誰咎耶
能調衛者以溫散湯劑釀乳飲之謹護風寒使之氣
體通和其於粥餌則勿令飽而氣實饑而氣虛斯為
得矣然瘡曰聖瘡七日熱而發七日庖而乾又七日
平復如舊矣若實實虛虛損不足而益有餘則瘡出
甚難如調順血氣溫和脾胃均平冷熱則瘡出甚易
調解之法無逾於此故備論之疹證初感未出而發
熱者扁鵲油劑法治之則出疹甚稀或即消解而瘡
疹不發者有之自然解散而安泰必矣

惺惺散

方見五十問

參蘇飲

方見八十三問

抱龍圓

方見五十一問

升麻湯

方見五十二問

升蘇散

治小兒出疹發熱疑似之間以此解之

升麻

葛根

赤芍藥

紫蘇

茯苓

川芎

甘草

各等分

右剉散白水煎嘔者加半夏茯苓白芍藥生薑煎服

香蘇散

治小兒出疹證作瀉

香附子

陳皮

紫蘇

川芎

甘草

白芷

各等分

右剉散生薑葱白煎或白水煎瀉證加白木茯苓嘔證加茯苓白芍藥

木香散

治疹痘冷證

木香

二錢

前胡

去蘆

訶子肉

陳皮

丁香

官桂

去皮

大腹皮

人參

半夏

甘草

赤茯苓

各三錢

右剉散每三錢水一盞煎六分去滓帶熱空心服量大小加減藥性溫平扶陰助陽治腹脹瀉渴如虛加糯米一撮黃芪三錢同煎

至寶丹

方見二十問

四聖散

治痘子已透皮膚未透用此藥發痘

紫草

木通

黃芪

甘草

枳殼

各等分

右剉散煎服得痘炊却住服且服芍藥甘草湯
甘露飲

加味四聖散

治痘出不快及變陷冷證可服

紫草

木通

木香

黃芪

川芎

甘草

右剉散每服三錢煎不拘時服大便秘加枳殼
少許大便如常加糯米一百粒糯解毒能釀

發之

紫草木香湯

治痘疹出不快大便洩利

甘草

炙少許

紫草

木香

茯苓

白朮

各等分

右入糯米煎蓋紫草能利大便木香白朮所以
佐之也

四君子湯

方見十六問

快斑湯

治疹瘡不快

紫草

蟬退

人參

白芍藥

各半

木通

一錢

甘草

炙半錢

右劉散每服三錢煎服

活血散

治痘瘡出不快

白芍藥

右為細末每用一錢以溫酒調服如欲止痛用溫熟水調下

龍腦膏

治時疾發疏豆瘡及赤瘡子未透心煩狂躁氣喘妄語或見鬼神或已發而陷伏皆宜速治不爾毒氣入臟必死

生龍腦一錢

右細研旋滴豬心血和圓如芡實大每服一圓心煩狂躁者用紫草湯化下若瘡子陷伏者用溫酒化下少時心神便完得睡瘡痘發透依常將息取安也

豬尾膏

治瘡子倒靨心神不安

用小豬尾尖刺血一兩點入生腦子少許同研用新汲水調下立效入辰砂一錢木香湯調下亦妙

胡荽酒

治痘瘡初發時可服遶房噴之以辟穢惡之氣
胡荽一兩

右細切以酒二大盞煎數沸從頂以下含酒噴
之背脊胸腹及兩脚通勿噴面

芍藥甘草湯 方見四十四問

甘露飲 方見七十二問

犀角地黃湯 方見七十二問

消毒飲 方見九十六問

加減四物湯

治痘瘡入目或瘡收後

當歸 芍藥 川芎

蒼朮 白菊花 乾葛

羌活 各等分

右剉散每服二錢水一盞煎服

大連翹湯 方見第三問

導赤散 方見第八問

羌活散 方見二十問

小柴胡湯 方見二十九問

白虎湯 方見五十八問

宣風散

治風痰壅盛或大便緊澁肚急諸般疝氣肚急驚風痰潮皆可服執證便秘並宜服之比乃宣利之藥

檳榔 一箇

陳皮 去白半兩

粉草 二錢

黑牽牛 四兩半生半炒用

右為末食前蜜湯調下一服

異攻散

治小兒出疹冷證此藥能除風寒濕痺調和陰陽滋養血氣使痘瘡易出易靨不致痒塌

木香

當歸

人參

陳皮

厚朴

丁香

肉豆蔻

各二錢半 桂

茯苓

白朮

各二錢

半夏

附子 炮各一錢

右劉散每服二錢水一盞薑二片棗三箇煎六分去滓稍熱服出疹瀉不止冷者可服

決明散

治小兒痘疹入眼

枯蕒根 二錢 決明子

赤芍藥 各一錢半

甘草 一錢

右搗羅為末每服半錢水調下日二服

紫貝散

紫貝一箇生用即研磔也

右為末用羊子肝批開摻藥末一錢線纏米泔煮香熟入小瓶內盛乘熱熏候冷取出星月下露一宿來早空心服

韶粉散

治小兒痘疹纔愈而毒尚未散瘡痂雖落其癩猶黯或凹或凸肉起當用此塗之

韶粉一兩 輕粉一錢

右為末入豬脂油調勻塗瘡癩上欲落不落當滅癩痕或用羊骨髓一兩入輕粉一錢研成白膏塗瘡上如痘瘡全好如痒甚俱搔成瘡痂不落用上等白蜜塗之其瘡痂落亦無赤黑癩痕神妙

獨聖散

治痘瘡陷入不發色黑而氣欲絕服此漸蘇紅潤

穿山甲 湯洗淨炒令焦黃用

右為末每服半錢入麝少許南木香湯調下或

紫草煎湯入酒少許調下

牛李膏 又名必勝膏

牛李子 不以多少 一名鼠李子牛謂子楮李烏

正子隨地呼其名 右取汁石器中熬成膏牛李野生道邊過秋結

實黑圓成穗或無生者市肆中買乾者為末水

熬成膏每服阜子大煎杏仁湯化下

調解散

治痘瘡已發或為風冷所折榮衛不和或為宿

食所傷內氣壅遏以致冰硬並主之

青皮 陳皮 桔梗

枳殼 炒 半夏 川芎

木通 乾葛 甘草

紫蘇 各等分 人參 減半

右剉散每服二錢薑棗煎

參苓白朮散 方見八十一問

扁鵲油劑法

治小兒發熱成痘瘡以此止之

生油麻 童子便 各半盞

右逐旋夾和以柳枝攪令如蜜每服二蜺殼許

服畢令卧少時但三四服大小便利身體熱退

即不成瘡痘之證若形迹已露則不可服也

又方

治小兒臟腑伏熱未成疹子疾候四肢微覺有熱食物似減頭髮乾直或時額上微熱宜生油湯劑法扁鵲及倉公用謂之神劑

生油 一盞

右令如人體溫將熟水一盞旋旋入油盞內不住手以筋打攪候入熟水盡令勻如蜜即止夜卧時服三歲至百晬兒每服二蜎殼許五歲至七歲每服三蜎殼許十五歲每服三大蜎殼許

直至大人每服五蜎殼許或二大合每日飲後良久與服服了令卧少時如二五服大小便利四肢熱退則疹痘不復發當自安也

又方以手蘸麻油摩其背脊間直至尾骨亦驗也
紫草木通湯

治瘡疹出不快

紫草

人參

木通

茯苓

糯米

各等分

甘草

減半

右剉散每二錢煎服內虛大便利下入南木香去紫草

蟬退膏

禦風邪辟惡氣透肌表快瘡疹

蟬蛻

當歸

防風

甘草

川芎

荆芥穗

升麻各等分

加芍藥

右為末煉蜜圓如芡實大每服一圓煎荆芥湯

化下

安斑散

治調理瘡疹

升麻

赤茯苓

黃芪

羌活各一兩

人參

枳殼炒

桔梗

甘草各半兩

右剉散每二錢紫草少許薄芎一葉煎溫服

如聖麥門冬湯

治小兒瘡疹毒氣上攻咽喉口舌生瘡不能吮乳

桔梗

牛旁子炒

麥門冬去心

甘草各半兩

右剉散每服二錢淡竹葉煎服活人書云為末每服二匙沸湯調細細呷入口內含下

大和散

治小兒瘡疱及傷寒時氣病後餘邪不解發熱

生地黃

當歸

人參

地骨皮

赤芍藥

甘草

各等分

右剉散每二錢白水煎服

去瘡疹癩方

蜜陀僧

右為細末水調塗甚妙

龍膽圓

治小兒五疳潮熱面色痿黃乳食遲化日漸羸瘠

龍膽

蘆會

肉豆蔻

煨

黃連

木香

神麩

麥蘖

炒各等分

亦可加檳榔史君子

右末麩糊圓如黍米大二三十圓溫米飲送下

有熱加胡黃連柴胡辰砂去木香蘆會肉豆蔻

一方用龍膽黃連青皮史君子等分末猪膽圓

此方原在八十四問後

疳積圓

治諸疖有蟲

百草霜炒

雷丸

蕪荑各三錢

巴豆

去殼一兩淨去心膜不去油

右為末甑上飲圓如粟米大一方黃丹衣每服一圓空腹米飲下一方青黛衣此方原在八十

六問後

治嗽含膏圓

葶蘆炒微焦

知母

貝母各一兩為末二味同巴豆

七粒炒去巴豆不用

右先將葶蘆子搗成膏次入二味以棗肉半兩

搗勻入沙糖圓如芡實大每一圓綿裹嚙津甚者三圓此方原在五十八問後

畫眉膏

山梔

十五箇炒存性雌黃

辰砂

輕粉

右另為末和勻香油調成膏何兒困着時畫上眉間便不思乳十分難斷者不過再使即不食矣

治小兒乳嗽

杏仁

桑白皮

核桃肉

半夏

甘草 各等分

右生薑薄芎同煎此方魯仲德抄吳氏方

大連翹飲

多羌活一味餘並全

化風丹

荆芥

黃芩

防風

羌活

獨活

天麻

南星

膽製

川芎

各等分

辰砂

減半

甘草

減半

一方加白附子蝎蚕三味尤妙右為末蜜圓如
芡實大每服一圓薄芎湯化下

玄參劑

芍藥

玄參

升麻

地黃

甘草

黃芩

龍腦葉

山梔

連翹

各等分

右為末蜜圓辰砂為衣圓如芡實大每服一圓
薄芎湯化下

四聖散

黃芪

炙

痒加當歸嗽加桔梗

紅綿散

合有甘草

全蝎

天麻

蘇木

麻黃

荊芥

硃砂

熱加防風

僵蚕

南星

乾葛

胭脂

各等分綿包生薑薄苛煎服

天麻圓

治乳嗽

天麻

辰砂

防風

膽星

各一錢

天竺黃

白附子

煨

坯

雄黃

蟬退

僵蚕

各半錢

川芎

硼砂

各七分半

右為末蜜圓金箔衣加牛黃腦子圓如芡實大
每服一圓薄苛湯化下

辰砂七寶散

無白朮八味

常用藥方括

敗毒羌柴獨活前芎苓參桔及甘煎疹加風
苛并蟬退腰痛桃仁任意添

五積六蒼三桔梗兩半麻陳枳殼并壹兩朴

薑三分夏歸芍芷桂及甘苓薑煎加入柴朮

目參朮同成輕骨名

調中苓葛藁甘苓芍梗仍兼白朮平壯熱惡

風并入利或時脉數此為靈

參蘇苓夏葛前三枳桔陳甘呆二參薑棗煎
來隨意服大能發散更消痰去却參呆芎用
四前柴互換亦相堪名香蘇散

平胃甘三陳朴膏八蒼薑棗或鹽調不換金
須加藿夏養胃參苓果莫饒

消風百解芷陳荆蒼木麻甘薑便成

金沸麻前各用三芎甘夏一四荆參或除麻
葛換辛袞同治傷寒嗽有痰

梔子仁知芎大青四芎高杏及苓升八蕪柴

六甘須二陽毒傷寒薑証成

解肌甘一芎苓二桂一甘三葛四煎壯執惡
風身體痛脉浮無汗此為先

香蘇四分陳皮二甘一或加芎芷煎更入麻
黃升芎藥十神只要葛多添

柴胡石膏須用四葛芎柴胡元不異升二苓
桑荆芥三薑豉同煎古賢置

姜茹二分高須四葛二微羗和杏芎甘與青
呆同葛數水煎對證有神功

縮脾砂果梅甘二豆葛祗消一分參水者暑

傷還取證來看

小續命湯

木參芍藥同防已麻桂甘苓二分童防一風
三薑棗者剛柔二痊並能攻
扁方不用白
木用杏仁
八解胃君四同去蒼加藿

五苓猪茯苓皆三瀉五還將桂二參

乾葛二芍餘並一參木苓呆甘藿參此是小
方白朮散渴兼吐利變風痲

薄荷四芍羌蝎麻甘蚕一分亦同加竹黃白
附還須二薄荷湯調驚熱差或去蝎蚕天竹

附柴苓芍梗代尤佳

紅綿散

麻蚕芍芷天麻二蘇木甘全蝎一科綿煎對
證明加減愈却傷風咳嗽驚

大連翹飲

連翹荆芥通車芍歸活風柴蟬共甘等分槐
苓還減半煎須紫草正相堪

知母乾葛湯

知母三錢乾葛八六高麻四五菱蕤甘苓風
活星皆二呆杏升參芍不殊

排風三味先為主獨活麻苓三分同杏仁等
歸甘桂芍鮮皮二分共防風薑錢作使前來
服五臟風傷盡解攻木香流氣廿三般十六
陳皮夏獨單通四若加檳果霍丁皮呆桂腹
蓬三朴蘇甘附青皮八餘藥皆同二分參苓
木麥瓜菖與芷棗薑作使藥方完滑利米煎
葱解表婦人艾醋血癥安一方去霍沉香代
枳椇蒲心炒乾增入大黃能治體總詳廿
四請詳看

治眼方

梔子

黃柏

黃連

黃芩

右四味搗為細末貼在碗底用艾火薰之取起
稍加水用帛蓋水上取青水點眼內立効

治心痛

白烏鷄糞

五錢曬乾研細羅成麩

松粉

五錢研細

右用葱根汁將前二味合勻為圓如桐子大黃
丹為衣每服五圓溫醋送下忌腥冷硬物三四
日立効

備急經驗方

治破傷風極有神效

余昔聞本縣大尹張公會言吾有一妙方專治破傷風單只一味極有神効用人家糞內蟻螻蟲一箇爛草房上亦有之將他脊背用手攪住持他口中吐水就擦抹在瘡口上覺麻身上汗出無有不活者及今余家第四子忽於額上跌破一處七日成風急尋此蟲治之時間汗出就好余有感於此不敢隱昧恐損陰騭就刊此傳之將蟲用過還埋糞內

治搭背瘡極有神効

用生蜂蜜和生麪為餅貼於瘡上待餅乾再換

三五次即愈瘡有口者將麪餅亦口上貼之
治小兒痘疔極有神効

用珍珠

生為細末

豌豆

燒為灰細末

頭髮

燒灰為末

濕胭脂

生用

右量疔瘡多少加減為用將四味和為一處先用簪尖撥疔口次將此藥貼入疔內即時大小瘡皆變為紅白色而無有不活者大凡人家小兒出痘瘡若灰黑頂者十八九死為鄉人者不識內有痘疔又不曉治法故也余昔日曾訪問諸多良醫皆言痘瘡未出全者有藥可表及瘡

出後有灰黑色塌頂者皆無方可治之今要認
出黑色內有瘡大者為疔或瘡內有疔線者為
疔又有瘡內臭氣者為疔亦有數等若依此方
治之立有神効此方治好多入倘有好事君子
傳寫四方貼於街市而共治之則福慶延長子
孫保安矣

又方

治小兒出痘

穿山甲剉細用蚌粉入銚內炒令焦黑色存
性研細入麝少許每半錢一錢温酒調服其

效如神雖遍身黑而欲絕亦能甦省而發紅
色

治小兒瘡疹不透陷伏危困者

人牙齒三五箇炙令黃為末乳香湯調下燒
過為末温酒調下亦可服諸片時其便透發

治痘瘡後眼方

羌活

防風

川芎各二錢半

甘草二錢

木賊

葉豆殼

荆芥各三錢

蟬退

谷精草各二錢

蛇退

雞子殼薄皮一錢

右為細末茶清調下食後日三服一應障翳皆
可磨退

治小兒夜啼

燈花

七箇

硼砂

一字

硃砂

少許

右研極細末蜜調成膏候小兒困時以少許抹
口唇上

嘉靖十九年十二月

日禮部奉

旨校正刊行

嬰童百問十卷終

書嬰童百問後

嬰童百問方書先是

制下禮部校刊既成時音適奉

命南畿之役戒行偶得善本遂藏諸笥焉

比至八公餘閱之見其分類詳悉考究

精當誠為幼科之珍寶是雖家置之

可也顧刻在宗伯郡邑鮮能得之而

况於遐陬僻壤也乎乃移檄太平府
重刊以廣其傳不兩月而告成焉然
則我

皇上仁愛之施將無遠弗被太宰公不自
私之意亦因而衍矣敬書數語以識

嘉靖二十三年春二月望日巡按直

隸監察御史汲郡陳與音謹書